

TE KURA KAUPAPA MĀORI O WAIRARAPA

TE PŪTĀTARA



TE RANGIURA O WAIRARAPA

Tēnā koutou e te whānau

NAU MAI KI TO TĀTOU MŌHENI MO TE
WĀHANGA TUATAHI O TE TAU 2023!

PG.3 HE KŌRERO NĀ TE TUMUAKI

PG.4 TE AHO MATUA

PG.5 HE PĀNUI

PG.6 NGĀ UARATANGA

PG.7-10 NGĀ AKOMANGA:
KURA NOHINOHI
KURA TEINA
8KURA WAENGA
WHAREKURA

PG.11-12 HĀKINAKINA

PG.14 TUTAKI KAIAKO

HE KŌRERO NĀ TE TUMUAKI



Tēnā tātou e te whānau, ka nui rawa te mihi mahana, te mihi harikoa, te mihi matakuikui ki te katoa.

E hika ko te huhua o ngā kaupapa kua hori ake nei ki muri kē i a tātou, te nui anō hoki o ngā kaupapa ki mua tonu i te aroaro.

Koia te tū angitū o Te Rangiura ki Te Matatini Hekenga Waka i tū ai ki Tamaki Makaurau i te wiki o te 20-24 o Pepuere. Nō tērā Mane i whakatauria te rōpū ki waenga i a tātou - he nui te harikoa o a tātou tamariki ki te kite atu, ki te whakarongo atu ki te reo rōreka o tā tātou nei kapa. Kua whakahihī, kua poho kereru mātou i a rātou.

I tērā wiki i peka atu te wharekura ki te Whare Pūkōrero o te Wairarapa i tā rātou whakairinga i tētahi mahi toi ātaahua rawa atu nā Kawana Rongonui i mahi. Koia anō i poho kereru mātou i a ia.

I tērā wiki hoki i haere ētahi kōhine e rua ki te taha o Kahungunu ki Ngāwi, he kaute i ngā pūnua kēkeno te mahi, ā, e ai ki ngā kōrero he rawa rawa atu te mahi ki a rāua.

Ā, i te Tūrei kua hipa ake i haere ngā kaiako ki Maunga Horowai, kātahi ka kake ake ki te wāhi i reira a Pā Pūnanga. He nui ngā kōrero hirahira, kōrero hītori, kōrero mīharo a Matua Joe Potangaroa me te noho o a tātou tūpuna i reira i te rau o ngā 1800.

Nāku iti nei, whaea Pip

Te Aho Matua

*Te pikō o te mahuri tērā te tipu
o te rakau.*

Nga iwi 3.1

Mo te nuinga o nga tamariki, tokomaha nga iwi. Tera pea mo etahi kotahi te iwi. Ko te mea nui kia mohio nga tamariki ko o ratou ake iwi, hapu, whanau hoki. Tua atu o tera kia mohio hoki ki te katoa o nga iwi tae noa ki a Tauiwi.



"Ruia te taitea, Kohia te rangiura"

HE PĀNUI

Waka Ama

Waka Ama Regionals
Secondary School
Sprints at Henley Lake
Saturday 11th March

Haere mai ki te
tautoko i te
wharekura!




**SUMMER
UNIFORM**

Term 1 is Summer uniform
please contact the tari if you
have questions about
uniform.



Ruia te taitea,
kohia te rangiura



Kura nohinohi

NGĀ IWI:

TAMARIKI WĀWAHI
TAHĀ ARATAKINA KI TE
MATĀPUNA O TE
MŌHIO, O TE ORA, O
TE MAUNGĀRONGO.


WHAIA TE ITI
KAHURANGI KI TE
TUOHU KOE ME HE
MAUNGA TEITEI.

NGĀ MIHI MAHANA
MATA KUIKUI KI A
KOUTOU TE WHĀNAU.
I TĒNEI WĀHANGA E
RERE PAI ANA NGĀ
MAHI I ROTO I NGĀ
AKORANGA O KURA
NOHINOHI.


E WHĀ NGĀ TAUIRA
HOU O KURA
NOHINOHI
KO TANE POROU, KO
TE TAONGA POTIKI,
KO DANIEL KO TE ANA
ANŌ HOKI.

NŌREIRA TĒNA
KOUTOU KATOA.

NA MADDISON ĒNEI
KŌRERO.



Kura Teina



Ka pū te ruha, ka hao te rangatahi.

He mihi maioha tēnei ki a koutou e te whānau. I tēnei wāhanga e ako ana a Kura Teina ki ngā mata o te marama me te maramataka anō hoki.

I haere rātou ki te hīkoi ki te kohikohi rawa māhorahora mō tō ratou kaupapa e pā ana ki a Nukupewapewa me te hanga manu tukutuku. He mīharo rawa ngā āhuatanga i puta ki te hīkoi me te kohi rawa.



Nāku noa nā Moeteao



Kura Waenga

Tōku reo, tōku ohooho tōku reo, tōku māpihi maurea tōku reo, tōku whakakai marihi. E mihi ana ki a Iwi te ākonga hou ki Kura waenga, nau mai, haere mai.

Tēnā koutou e te whānau, tauti mai ki te akomanga o Kura Waenga. E ako ana a Kura Waenga ki ngā tikanga whakahaere o te marae pērā ki ngā wāhanga o te wharenu, te kawa o te marae me ngā haepapa o ngā wāhanga mō te pōwhiri.

Kei te ako hoki ngā ākonga waenga ki te hākinakina Ki-ō-Rahi me ngā tikanga o tēnei o ngā kemu. E mihi ana ki ngā ākonga wharekura, ā, Kaia rāua ko Tommy e pīkau ana i tēnei o ngā kaupapa kia ako ēnei o ngā teina ki tēnei kemu mīharo.

Nā Te Aira rāua ko Pounamu ēnei kōrero.



WHAREKURA


Ko te Aho Matua te tāhuhu o tōku kura,
ko ngā tīkanga ngā heke,
ko te whānau ngā poupou.

Koia ēnei ko ngā kaupapa mīharo o te wharekura.
I te tīmatanga o te wāhangā nei, i haere mātou ki runga i ētahi
haerenga tino rawe. I haere ki te Adrenalin Forest ki Porirua, i
haere hoki ki te Papa Tongarewa, me te Weta Workshop anō hoki.
I haere hoki mātou ki ngā Rā o Kupe ki Ngāwī, ki te ruku kai moana.

I tēra wiki mo te wiki katoa i haere tahi mātou ko te Wharekura me
Whaea Ana ki te roto o Henley ki te parakatihi mo te Waka Ama,
hei te Rāhoroi e whai ake nei tātou ka whakataetae ki erā atu o
ngā kura nō rohe rerekē.

I tautoko hoki mātou i a Kawana me tōna mahi toi e iri ake ki roto i
te whare o Wairarapa Archives. Te Pīwari rawa o āna mahi. I haere
hoki mātou ki te tautoko i te kaupapa kuti hipi anō hoki ki te taha
a whaea Leigh.

Nā māuā iti nei,
Nā Judith & Matariki



Hākinakina - Kura Tuatahi



KĪ-Ō-RAHI

Poinka



Hākinakina Wharekura



College Sport Wellington
Where sports stars unfold

HOE TONGA
PACIFICA WAKA AMA ASSOCIATION

Te Wānanga o Aotearoa

HOE TONGA TE WĀNANGA O AOTEAROA SECONDARY SCHOOL REGIONALS 2023

**HENLEY LAKE
WAIRARAPA**

11.03.2023

Jutaki

TE KAIAKO...



ASTEE KARAITIANA

KO RANGITUMAU TE MAUNGA

KO TAKITIMU TE WAKA

KO RUAMAHANGA TE AWA

KO TE ORE ORE TE MARAE

KO NGĀTI HAMUA TE HAPŪ

KO RANGITĀNE, RĀTOU KO NGĀTI
KAHUNGUNU, KO TE-ATI HAUNUI-A-
PĀPĀRANGI NGĀ IWI.

KO WAYNE KARAITIANA TŌKU PĀPĀ

KO CHRISSY KARAITIANA TŌKU MĀMĀ

KO JOSH RĀUA KO JADE AKU TUNGANE
KO LANI TAKU TUAHINE.

E RUA AKU KŌTIRO, KO MAIRANGI
MOEROA RĀUA KO MIA HINEAKAUROA.
KO AYDEN TOKU HOA RANGATIRA. HE
WHĀNAU PIRINGA HOKI TĀKU KO
RESHARD KO RILEY ROSE RĀTOU KO
DARYUS Ā MĀUA TAMARIKI.

HE RAUKURA AHAU O TE AKOMANGA
TUATAHI O NANNY HINEARI. HE RAUKURA
HOKI AU NŌ TE KURA KAUPAPA MĀORI O
HOANI WAITITI MARAE, NŌKU TE HŌNORE
KI TE HOKI MAI KI TŌKU ŪKAIPŌ, ME TE
WHIWHI I TĒNEI TŪNGA KI TE KURA, HEI
WHAKAAKO I O TĀTOU TAMARIKI O TE
WAIRARAPA.

